

池州天兵南下池之守臣已遁趙侯攝府事即命爲  
真自知城小兵寡勢必危貽詩其弟誓以死報至元  
十二年正月城陷侯與其夫人雍氏訣雍氏曰君能  
忠吾獨不能爲忠臣之婦相從地下乎侯喜大書曰  
國不可背城不可降夫妻俱死節義成雙俱自經于  
州治之後堂大丞相伯顏入見而義之命以禮瘞於  
永明寺之側按侯以科第進身前知宣城彭澤二縣  
人稱寬厚先生蓋渺然儒者也雖不能決鬪于弓矢  
鋒鏑之場而守死勿去於義爲得若雍氏區區一女  
子非其服習素聞又豈能若是哉宋嘗贈忠毅侯節



義夫人廟號旌忠而事不及行矣迨今六十年邦之  
父老道之者猶咨嗟太息未嘗不談丞相之盛德也  
今重紀至元丙子之歲府經歷蕭君文孫始至未遑  
他事慨然念祠之未立乃與景德寺主僧正宗謀闢  
大門左宇並設二主書故爵謚而扁其門曰忠節之  
祠旣祭以妥靈又將營畫經費以奉其久蕭君是舉  
偉矣哉國家祀忠臣褒節婦具有明詔若趙侯夫婦  
者誠當一旦而發于蕭君巋然足以增世教之重固  
聖代之所樂聞者君廬陵名家風裁峭整遇事必達  
其志嘗著忠孝二史以表近代人物宜其奮不顧流

俗獨汲汲於衆人之所緩者豈徒然哉師道旣承命  
紀其事且爲薦享送迎之詞以畀其邦人使歌之以  
紓其思焉詞曰大風起兮雲飛江聲震搖兮孤城惴  
其將危城之危兮侯寧不知死封疆兮吾分之宜嗟  
婉孌兮閨中姿激義烈兮駢頸同歸玉碎珠隕兮皦  
不緇奔師賣降予彼何人斯屈膝頓顙兮兒女唱咿  
企雙翔于青冥之上兮奄奄苟活不愧死其奚爲齊  
之山兮秋之浦儼巍我兮斯其宇弭回風兮神來下  
薦有蘋兮奠有醑邦人忻忻兮願侯毋吐維忠維貞  
兮福汝佑汝疇非臣兮誰則無婦儀我民兮永垂終



古

明陳良器弔趙忠節祠

從容堂上從容死，婦烈夫忠，照汗青勁節，常存天共老。故封不改地，多靈莫憐。麥飯春風冷，特酹椒漿曉露零。回首江州誰負國，可能滌恥向東溟。

余翹趙忠節墓

雲翳松楸墓草枯，忠魂千古未應孤。當時賣國迎降者，富貴于今尚在無。

趙公墓近華公宅

華殿司岳也

趙有祠堂華餒而幾度山

川壇下泊松風夜半使人悲

宋清溪二生祠在府城東北五里清溪口二生從趙文節公死宋難者向無祠明萬曆中邑人劉光謨建後圯本朝康熙十九年太守喻成龍重建

忠烈祠向在府城內北市隴嘉靖初知府田賦建以祀宋趙文節公昴發夫人雍氏明黃侍中觀夫人翁氏二女及烈婦唐貴梅烈女康清姑爲雙忠六烈隆慶間移毓秀門內又補入清溪二生祠田一十三畝後祠圯本朝康熙十九年太守喻成龍重建

明陳琳新建忠烈祠記

夫君臣父子夫婦人道之三綱也臣之於君子之於



父婦之於夫隨其所事而竭力委身利害不能奪其志死生不能挫其節炳炳烺烺與日星爭曜天壤俱敝夫然後謂之忠謂之烈忠烈秉彛恒性而人每自戕故志士仁人必曠世乃一見而表忠旌烈豈不爲扶綱常風世教之盛舉哉竊觀宋季文山文公拜相于國事旣去之餘間關險阻萬死不回說者謂其身負數百年綱常之重時則有池倅趙公昂發方元兵渡江守臣相繼降遁公死守弗去與妻雍氏訣使自便雍曰若爲忠臣我獨不能爲忠臣婦乎遂書几上有夫婦同死節義成雙之言共縊死所建從容堂其忠烈昭昭固不在文山下也我文皇帝靖難時正學方公以草詔忤旨偕侍從臺諫諸人被逮就戮金陵人尚能言之同時若侍中黃公觀起兵入援至池州聞事去豫知妻翁氏必不辱招魂葬之翁并二女果給配給配者與家屬十餘死于淮清橋下而公亦死于攔江磯其忠烈大節于正學殆相符矣弘治間有朱婦唐氏池口人其夫孱弱姑利商人之金令私之唐不從姑誣訟拷掠無完膚度不免自經梅樹下鄉人謂其節操比德于梅號梅婦云正德間有康氏女清溪人年甫十七時流賊突至虜康去父奪之爲賊



砍面流血康紹曰勿殺我父願隨行比至舟投水賊亂刃斃之唐之死視趙之雍黃之翁皆烈婦也康之死視黃之二女貞烈抑何愧也趙黃死于君有臣道焉雍翁死于夫有婦道焉黃二女死于父有子道焉與夫唐康二烈均有裨于三綱者風教攸繫崇祀爲宜然文在京師有丞相祠廬陵有忠義祠方祠在木末亭而趙之舊祠混于民居黃私祠于邑學之側今亦頽廢其妻若女且未與祀豈非闕典歟今建安田侯賦以給諫表上命守池下車未幾百廢具舉乃以化民首務綱常爲重於是詢謀士民卅府治之西北

隅隙地十二畝堪以建祠爰請于當道僉曰可遂庀材鳩工諏日舉事率教授夏亨教諭鍾程偕寮屬諸生董役夙夜靡怠區畫有方纖毫無擾于民民翕然樂成之中爲正堂六楹東西序各八楹寢四楹後爲風化堂東西廂凡若干楹爲神廚神庫餘選諸生之有志者藏修于中兩傍爲田五畝以充祀費甃池四以備田之旱澇豎亭二以爲息游之所闢大門五建牌坊三正中扁曰光嶽氣完之祠東曰雙忠西曰六烈又爲社學二選民之秀者延師教育之工昉于嘉靖癸未九月二十七日迄于甲申四月二十五日棟



宇偉麗丹碧尤耀規制奕奕然改觀堂祀二公寢祀  
二夫人以黃二女暨唐康二烈祔焉於乎以死勤事  
祭法具載趙公以孤城抗元兵而死城破之日元將  
伯顏尚義之問公安在歎惜久之具棺衾以禮合葬  
其墓而去黃公既死文皇帝語諸臣曰彼食其祿自  
盡其心初未嘗不惜其死而褒其忠然則二公死于  
國忠憤激烈闔門全節足以感人心于當時去今數  
百載凜凜猶有生氣況池之棠陰故在桑梓猶存道  
化之所漸被又有二烈者出焉豈非聞風而興起者  
乎表遺忠以勵風教此固今日新祠者意也乃系以

詞曰金陵上游池陽雄峙秋浦九華間氣萃只宋  
有趙倅爰禦豺豕戮力扞圉力詘勿已烈烈焰中夫  
婦偕死爲臣哲模爲守遐軌迨我國初靖難師起有  
黃侍中王魏是恥奮身舉義矢心沒齒厥配婦人勝  
奇男子淮清之風攔江之水水冽風高光昭青史朱  
婦康女池蘭蕊暨黃二姬伏節捐已英爽如生禮  
亦宜祀傳哉田侯名馳遠邇簡命守池爲京毗倚謂  
政教先在振人紀仰止前賢爰作廟制祔祀貞烈後  
先媲美春秋孔虔神人胥喜我作銘詩以詒池士弗  
忠匪臣弗孝匪子化國儀家聿追芳趾毋懷二心毋



忝而里維侯筆功嗣昔有埃

明許公廟在東流縣西門內祀元末縣人許山又張家灘香口鎮有祠香火尤盛

明黃侍中祠有二一在府城九華門外高曆初詔褒建

文帝遜國死事諸臣池州特建此以祀黃侍中觀尚書

畢鏘記祠田六畝三分地十八畝明郡守錢楨倡邑人公置其祠地

本朝康熙十九年太守喻成龍重建一在貴池縣羅刹

磯公殉節處隆慶間知府鍾穀建祠田十一畝五分地

十一畝其祠亦圯本朝康熙十一年間太守喻公

重建德時重建

明劉城羅刹行

自注吾邑侍中黃公觀死節處

羅刹磯水如箭急中有老蛟日夜泣濤聲怨聲相低

昂猶為孤臣訴於邑自昔文皇起北平耿李敗劔南

軍轟江淮欲渡勢已迫襄鄂徵兵義可聲禮部侍中

受命往慷慨灑血飛艤上誓同張孟陷堅亡肯從代

邸興王賞李陽河過不多時金川門開事竟移紛紜

勸進新朝定煨燼依稀故主悲自顧頭顱付誰是早

知妻女死能隨拜闕尚稱臣力竭投淵不使榜人持

止此革除心皎皎相纍宗祏恨濼濼憶嘗對策高皇

帝董生天人古上第又嘗代草荅燕藩薄昭指斥辭



無滯于今身死族亦沈八口全歸照千世靖難稱師  
固有名輔臣誅錯晉陽清守經執義多君子危縊奈  
褒培養成君不見千里哀號羅刹水奔流塞洪橋下  
止

明給事中陳公祠在府城隍廟前祀建文時給事中  
陳公敬宗祠額成仁萬曆初詔褒遜國諸臣知府錢檟  
始建副使金勵落成後圯本朝康熙十九年太守喻  
成龍重建

明郡守祁公司負寓思亭在府城西西廟右今廢

明王陽明先生祠在青陽縣九華山化城寺右嘉靖初  
邑令祝增以陽明先生兩至九華講學故建書院于此  
有仰止亭尚書鄒文莊公守益記及陽明先生歿萬曆  
初邑令蘇萬民蔡立身始改建爲祠都憲鄒忠介公記  
有司以春秋二仲之次丁日祭

明鄒守益陽明書院記

青陽九華山之勝與匡廬武夷競秀至太白始發其  
奇嗣是詩人隱士仙釋之流相與經營其間而未有  
以聖賢之學倡而振之者弘治壬戌陽明王先生以  
恤刑至池愛其勝而遊焉至正德庚辰以獻俘江上  
復攜邑之諸生江學曾柯喬施宗道以遊盡蒐山川



之祕凡越月而去嘗宴坐東巖作詩曰淳氣日凋薄  
鄒魯亡真承各勉希聖志毋爲塵所縈慨然欲建書  
屋於化城寺之西以資諸生藏修而未果也嘉靖戊  
子金臺祝君增令茲邑諏俗稽典故始克成其志中建  
正堂大書曰勉志東西有廊室而亭其後曰仰止合  
而命之曰陽明書院池守韓君楷二守張君邦教往  
視而嘉之更議置田以膳學者而九華之名將與白  
鹿雲谷煥然照方策矣諸生樂其績之成也不遠南  
都以來徵言守益竊聞緒言之教矣先生之學以希  
聖爲志而希聖之功以致良知爲則良知也者非自  
外至天命之性靈昭不昧自塗之人至於聖人同也  
特在不爲塵所縈而已矣二三子亦知塵之害乎目  
之本體至精至明妍媸皁白卑高大小無能遁形者  
也一塵縈之則泰山秋豪莫之別矣良知之精明也  
奚啻於目而物欲之雜然前陳投間而抵隙皆塵也  
故戒慎恐懼之功如臨深淵如履薄冰所以保其精  
明不使纖塵之或縈之也纖塵不縈則無所好樂忿  
懣而精明之凝定廓然大公矣親愛賤惡無所辟而  
精明之運用物來順應矣大公之謂中順應之謂和  
中以立天下之大本而天德純矣和以行天下之達



道而王道備矣此鄒魯之真承也古先聖王兢兢業業克勤克儉不邇不殖亦臨亦保率是道也故堯舜禹湯以是道君天下而孔顏曾孟以是道爲天下師後之學者見聖賢之君師天下其成功文章巍巍若登天然而遂以爲不可階譬諸入明堂清廟之中見其重門層閣千方萬負前瞻後盼眩然以駭矣而不求所以勑造圖回規矩之外無他術也二三子其將方負也而摹方倣負者復闕然以禪疑之嗚呼愛敬長吾良知也親親長長以達天下將非致吾之知乎惻隱羞惡吾良知也擴而充之以保四海將非致吾之良知乎孰爲禮孰爲非禮吾良知也非禮勿視聽言動而天下歸仁將非致吾之良知乎是鄒魯之真承也而禪之疑禪之學外人倫棄事物遺肝膽耳目而要之不可以治天下國家其可以同年而語乎書院之建羣多士而育之固將使之脫末學之支離闢異端之空寂而進之以聖賢之歸也二三子之朝夕於斯也其務各致其良知勿使縈於塵而已矣處則以是求其志達則以是行其義毀譽不能搖利害不能屈死壽不能貳使尚論道術者按名責實炳



炳有徵焉則知良有司鼓舞之典真爲聖代作人之助規模宏遠矣豈繫山水巖壑之遇而已乎

呂柟仰止亭記

仰止亭者青陽祝尹之所構也正德末年陽明王公與其徒講學九華山中一時青衿之士如雲滃霧集而致良知之說以行爲知之論由此其發也其徒守之如父母之命著龜之告而不敢易焉然亦有得者焉亦有不得者焉故天下之士是陽明之學者半不是陽明之學者亦半他日弘齋陸子伯載東郭鄒子謙之固蚤從陽明游者也數以難予曰予敢以陽

之學爲是乎予敢以陽明之學爲不是乎二子曰如子之言不幾於持兩端乎曰不然昔者先正以一言一字發人而況陽明之學痛世俗辭章之繁病仕途勢利之爭乃窮本究源自近及遠而曰行即知也知本良也亦何嘗不是乎但人品不同受病亦異好內者不可與言禁酒也好弈者不可與言禁財也故夫子訥牛之躁言色商之直義達師之務外懼由之好勇故德無不成材無不達如人病瘡有在手者有在足者有在肩背者有在面目者皆足以滯一身之氣壅百骸之腫所病者去則全體無不安矣故受藥亦



易而起其病亦不難故有知而後能行未有不知而能行者也猶目見而後足能走未有不見而能走者也若曰見走齊舉知行并進惟聖人能之故陽明之學中人以上雖或可及中人以下皆茫無所歸故論語不道也亦何嘗是乎雖然自夫俗儒而言忘其良知而又不知以行之爲急也其弊至於戕民而病國則陽明之學又豈可少乎哉

鄒元標重修陽明先生祠記

庚寅秋予赴銓曹舟過池陽望羣峰昂霄聳壑鬱鬱青青問之則九華峯予乃躡蹻而登僧來亨指山腰

爲陽明先生祠導予遊予至祠前荆棘莽翳堂戶傾圮不可爲禮予賦詩寄慨屬秦令君新之令君唯唯會以遷去留金埃後來者而繼秦者爲蔡君君履其地慨然曰無論先生勲賢彌宇宙即吾里先哲流風詎可令澌滅草莽間爲遂捐俸大加修葺堂額門廡仍舊而祭有田田有志備矣復遣僧來亨者問記鄒子以鄒子故竊聞先生緒餘子執筆茫然者累日憶予幼從鄉先生游言必曰先生心竊疑之而實嗜文清所爲讀書錄也者故日必有錄然於先生學未嘗置念也及成貢行留心格物之學語人人殊獨於先



生致良知事事物物之間格其不正以歸於正之語  
有入因歎曰往儒博物理於外先生約物理於內夫  
博約不同趨內外不相謀已久約而反求諸身者端  
本之學也然盤桓日久知與事相持正與不正相敵  
因讀先生戒慎恐懼語曰戒慎恐懼是功夫不覩不  
聞是本體又曰不覩不聞是功夫戒慎恐懼是本體  
曰合得本體是功夫做得功夫是本體恍然曰功夫  
即本體本體即功夫離本體而言功夫者是妄鑿垣  
牆而殖蓬蒿也然心雖自信而於所謂本體者若猶  
有端倪可即於心未有當也年華浸盛至道無聞每

一念及潛然淚落遂時時反觀自訟一旦有契於先  
生所謂無善無惡心之體者遂躍如曰先生蓋已上  
達天德非膚儒所能窺測然元標從事先生之學蓋  
五變矣蓋嘗論先生之倡道當時如清風披攜蓋君  
之齊心服刑如羣鼠飲河各得其性之所近而已有  
謂知必斷鍊而後良者則不慮而知之說非乎有謂  
必揭良能始足該括者孩提知愛知敬之說非乎夫  
知愛知敬者知也能愛能敬者即良能也有謂必歸  
寂而之感者不知良知之體無寂感於內外而分內  
外寂感者是二見也有窺生機盎然日以暢愉為得



力者不知戰戰兢兢小心翼翼未必非生機也夫此於先生之學皆具一體然於世亦各有補予獨怪夫萬物一體圓融無礙之說倡而學浸以偽也夫良知理一也而分則殊體圓也而用則方先儒之一體也合天下以成其身後儒之一體也借天下以濟其私先儒之圓神也本之方以知後儒之圓神也流於詭與隨藉口交道接禮之說無論宋薛齊七十五百鎰皆可受矣藉口委曲行道之說轍環列國栖栖依依爲是不脫冕而行非矣藉口獵較猶可之說和光同塵爲是先簿正祭器非矣藉口中庸之說鄉愿德賊味道摸稜皆所不計矣藉口泛愛衆之說孔子不必暇亡於陽貨孟子不必示默於王驩矣神出鬼沒朝更夕易夫豈先生之教端使之然哉說者曰良知醒而蕩非良知蕩也廣儒蕩也蕩非良知也或曰聖賢立教各因其時當時註疏訓詁特我性靈學者味反身之學孳孳矻矻老而無成先生一破俗學如洪鍾之醒羣寐其羣而趨之也如百川之赴壑今流弊若茲司世道者宜易其塗轍以新學者心志予曰此非予所能測也孔孟不嘗言仁義哉流弊至於爲我兼愛則仁義亦可廢邪聖賢言語無非欲人識其本



力者不知戰戰兢兢小心翼翼未必非生機也夫此於先生之學皆具一體然於世亦各有補予獨怪夫萬物一體圓融無礙之說倡而學浸以偽也夫良知理一也而分則殊體圓也而用則方先儒之一體也合天下以成其身後儒之一體也借天下以濟其私先儒之圓神也本之方以知後儒之圓神也流於詭與隨藉口交道接禮之說無論宋薛齊七十五百鎰皆可受矣藉口委曲行道之說輒環列國栖栖依依爲是不脫冕而行非矣藉口獵較猶可之說和光同塵爲是先簿正祭器非矣藉口中庸之說鄉愿德賊味道摸稜皆所不計矣藉口泛愛衆之說孔子不必瞰亡於陽貨孟子不必示默於王驪矣神出鬼沒朝更夕易夫豈先生之教端使之然哉說者曰良知醒而蕩非良知蕩也廣儒蕩也蕩非良知也或曰聖賢立教各因其時當時註疏訓詁括我性靈學者味反身之學孳孳矻矻老而無成先生一破俗學如洪鍾之醒羣寐其羣而趨之也如百川之赴壑今流弊若茲司世道者宜易其塗轍以新學者心志予曰此非予所能測也孔孟不嘗言仁義哉流弊至於爲我兼愛則仁義亦可廢邪聖賢言語無非欲人識其本



心耳本心既明即良知亦虛談也而何必復爲更端  
曰然則先生之教卒不明邪予曰先生所謂良知者  
通天地亘古今徹晝夜一死生賢愚同共非推測影  
響之知也先生以全體爲知而世儒以推測影響爲  
知其去先生之教益遠矣良知本庸勿厭常而喜新  
良知本淡勿弔詭以博名良知本實勿慕虛而談高  
子臣弟友慥慥皜皜即聖人復起能易先生教哉大  
學曰先致其知宋儒曰進學在致知是知非自先生  
倡之聖賢已先詔之矣先生之祠所至增修而先生  
之旨不明則誰之憂乎予等與有責矣祠始議於予  
師大中丞鑑塘朱公子同年操江元冲張公二公皆  
當時名臣贊成於下則予同年兵憲玉峯侯君都諫  
南臺吳君太守滄南何君蔡君下車未幾首先茲典  
可謂知所重矣是爲記

明湛甘泉先生祠在青陽縣九華山中峯之下本嘉靖  
中邑諸生爲增城湛尚書若水建書院涇野呂尚書柟  
記萬曆中邑令蔡立身改爲甘泉祠

明呂柟甘泉書院記

九華者池州府青陽縣西南之山也其下有五溪曰  
龍溪瀾溪漂溪雙溪曹溪出山五谷合爲一流妙當



山央宛若地肺九華羅綻乎芙蓉六泉旁湧乎金碧  
於是南引羣翠北入大江世傳江南之山莫秀於九  
華九華之勝實行於五溪益信吳楚之美石鍾江湖  
之英者也嘉靖乙酉青陽生江學曾施宗道來南都  
受學於吾甘泉先生暇或談及九華先生飄然有往  
之意二生對曰願築書堂立以候也越明年柯生喬  
亦及門受業勃興共構之心又明年邑尹德興祝增  
北覲而還亦翻然欲助舉之二生乃徧選九華之妙  
獲茲五溪之邃諏日程工召匠計木其地舊有小菴  
後帶淫祠祝尹即日廢撤用廣厥基宗道曰經營出

於民力於義則弗堪創建舉於公家其事則難久乃  
出身貲金以董其務而祝君捐俸以贊其能後以他  
阻未竟厥成未幾甘泉先生自南少宰被命徵入宗  
伯二生及潮陽周孚先永豐呂懷宜興周衝懷寧尹  
唐送先生至淮安或至彭城先生猶拳拳不忘九華  
也使道通堯臣居五溪限之以三年有詩以遣使克  
道汝德遊九華望之以九秋有詩以送諸君歸皆示  
予而施江二生星言先往裛是地之秀俊以俟也今  
甲午春提學聞人君同巡按虞君共奠陽明王先生  
祠於是池州侯守因白其事二君乃相基于化城寺



之東命侯守構講堂齋舍曰甘永書院而同知任君  
柱遂捐金買田計二十畝以爲書院資旣落成學曾  
請記其事予歎曰嗟夫九華者古九子山也今茲之  
名則唐李白之所改也白與高霽韋瓘與嘗訪道江  
漢隱於夏侯迴之堂開簷岸幘坐眺松雲以茲山舊  
云九子按圖徵名無所依據太史公南遊略而不書  
事絕古老之口復缺名賢之紀雖靈異往復而賦咏  
罕聞於是始改爲九華有聯句云然其詩或歎標日  
壁霞之景或羨玉樹羽人之況若甘泉先生之遣尹  
周也其詩則曰神物貴變化九仞安可停彼李白之  
道曾至此乎夫先生嘗患人之徒知而不能行也  
則著知行並進之說又嘗患人之徒養心而忘所有  
事也則著心事合一之說而以隨處體認天理發之  
諸君之九華築居者以是爲居而無忘乎寢興遣行  
者以是爲行而無忘於動履遊觀者以是遊觀而無  
忘於登覽察之隱微之際驗之飲食男女人倫事物  
之間久當見五溪同出一源九華生於一本也夫揚  
州有甘泉行窩葛澗所作也予嘗記之以是爲說矣  
金陵有新泉精舍史際所作也予嘗記之以是爲說  
矣九華先有仰止亭祝尹爲陽明王先生所作也予



亦嘗記之以是爲說矣今又於甘泉書院云云蓋柎  
爲先生禮闈所取士受教最久且深故敢發先生之  
旨以告諸君願從事於力行而不文飾於外也不然  
則行窩也精舍也書院也適足爲先生多而予記之  
爲贅辭

明郡推陳公萬言銅陵令劉公孜合祠在銅陵縣治西  
二公嘉靖中爲銅陵恤夫役者

明青陽令田公登年祠在青陽縣西門月城內公嘉靖  
中創築縣城者後以萬曆間晏令景卿祔

明石埭令李公得春陸公階祠附石埭縣陵陽山仙壇  
宮

明貴池令姚公孟賢祠在貴池縣南萬羅山

明青陽令沈公子勉祠在青陽縣治右有祠田四畝

明青陽令蘇公萬民祠在青陽縣西二十里五溪橋公

萬曆初築五溪橋者

明青陽令蔡公立身祠在青陽縣東北二十里青龍橋

公萬曆中築青龍橋者

明石埭令葉公明元祠在石埭縣南百步許

明青陽令鄭公元昭祠在青陽縣北門外青瑣橋公萬

曆中築青瑣橋者



明郡推秦公懋義祠在府城南門外翠微堤首有祠田  
三畝八分公萬曆中秋甃翠微堤者又一祠在府西西廟  
後今廢

明銅陵令徐公一科祠在銅陵縣西門外江口公萬曆  
中築八十里都堞者

明青陽縣李公如桂祠在青陽縣西月城

明三賢祠在青陽縣治南三賢青陽令羅公華衮王公  
家柱龐公昌胤也

明貴池令張公燦垣祠在府城東門外紫芝墩墩崇禎  
初公所築者

明貴池令田公瑞龍祠在貴池縣南萬羅山

明青陽令王公化澄祠在青陽縣治南玉華書院

石埭令喬公熙祠在石埭縣西三里今遷演武場後

明相國丁文恪公紹軾祠在府城內塔上街

明贈太僕寺卿蘇公瓊祠在石埭縣東門內

明劉理順蘇青城祠

將軍無衛霍北府倚誰雄爲吏一腔血經天百丈虹  
新亭空灑淚劔閣有餘忠未死顏何甲能無念楚弓

陳組綬蘇青城祠

嗟吾來埭上蘭譜感淒其官路荒祠在斜陽駐馬時



本朝操撫部院李公日芄祠有二一在府城南獅子口  
有祠田三畝二分一在青陽縣治南

本朝郡守馬公弘長祠在石埭七都志惠祠右邑人沈

隆記

此條前訛刻數字康熙五十四年  
郡守李查明更正

本朝沈隆馬公祠記

順治乙酉夏五月江南既平其首受

朝命來刺池者為馬公弘長公昌平人張其本姓也  
當是時東南人民罔審天命輒擁帥起眾以抗

皇朝大者據郡邑小者聚邨落而吾鄉龍巖則以本  
郡朱司李盛濃為前朝宗室奉以號召遠近宣歙諸

鄰州之人爭附焉兵稱十萬前攻池城大兵接戰於  
白洋失利公乃協同于總戎永綏率兵親勦之時公  
有甥在軍中與吾鄉兵戰竟遇害奪其馬公亦身受  
矢創甚于總戎憤鄉兵之為仇即馳諭軍中必盡屠  
若屬乃止公聞之即扶傷起謂于曰今所以來此者  
原為

朝廷招撫百姓若盡殺其民赤地奚益且何以勸鄰  
境之未附者于鞅鞅不肯從公再四止之始下令曰  
爾民但薙髮詣軍前投誠即各保室家妻子無恙於  
是鄉父老率其子弟感激踊躍望公泣拜納款公溫



言撫慰之越明日移營去而龍巖安堵如故若大兵  
未經者然時八月望前三日也嗟乎吾沈之居龍巖  
始中唐歷明季近千載矣戶不下數千其男女老幼  
之口計二三萬一旦將盡於嗜殺者之手而公悉舉  
之刀刃之下登之衽席之上仁孰大焉且夫于之欲  
滅吾

公身反修其甥復見殺也亦何所逃命乎乃我沈  
氏千餘年之祀竟得不絕而後更生長其子孫於無  
窮如今日聚廬而處共享太平福果誰之賜也忍忘  
乎哉公後復姓張氏更名自昌字存孺由池守歷遷

粵西大方伯 予告家於池平日會士大夫輒口稱

沈氏有忠義風蓋謂其引兵至龍巖時追詰朱司李  
使獻之而吾族終勿應為能不賣主也先是余族感  
公恩德非常設龕為主生祀之康熙癸亥公既卒乃  
易主為像當秋賽日奉盛牽牲祀益虔但祔於忠惠  
查公未特廟也康熙甲申十月方建廟於忠惠祠之  
右以明郡守惠公尸實配焉惠公曾先有恩德於余  
族雖未及公之大均難忘也廟既成族長老屬予敘  
其事而鑱之石爰更為歌曰龍巖之東郊兮公廟巍  
峩精靈之英發兮公貌莊和澤沛六邑兮于我也特



多感極千禩今孰謂乎可磨生既活厥土之人兮歿  
還陰扶其風氣使之上守國憲今下相篤於族誼醇  
良者其護予匡直彼詭異麻麥朦朦兮衣煖食飽鬼  
癘斂藏兮災疾無擾歲時薦享今黍稷酒醴牲牲肥  
脂兮不疾瘕蠹奉之同我宗祖今將世世靡有已同  
斯堂者何人予亦池太守若兄弟謂惠公

本朝青陽令史公編祠在青陽縣治南

本朝石埭令陳公秉化祠在石埭縣治南

本朝兩江總督部院謚

傅臘塔公祠在府城東北

清溪江口

本朝梁太守應元祠在府城南門外齊山堤首

本朝佟鄭二公祠

本朝李太守祠俱在府城九華門外即迴瀾書院

本朝喻太母祠在齊山五雲菴旁

本朝喻公樓祀建德令喻公成龍在建德縣治後山施

閏章爲之記

本朝施閏章喻公樓碑記

嘗讀嚴先生祠堂記曰先生之風山高水長未嘗不  
歎息羨慕於先生之感人者深而人之思先生者何  
無已也夫先生以天子故人高蹈不仕不過一逃名



之士耳未嘗有功德及人也猶未嘗捍患禦災恩勤  
教養之年多而澤久也而人且思之願其與山水同  
久長焉於此見直道之在斯民千古一轍況乎親炙  
光輝歷年久遠盤錯艱難美善備至者乎嗚呼人有  
曠百世而相感者誠不知其何心非其德盛化神實  
有不容泯沒者亦安能使人流連而不能置也邪故  
夫一人之身由父而祖萬家之祀自子而孫人非草  
木其能已於思也哉我郡伯喻公之來治建也干支  
且十稔矣一言一行無事不以古人爲法善政善績  
載在考功無容更僕數已即其始至也建署後之梅  
公亭每當午夜月明書聲琴韻能令四山俱響蓋其  
心景仰聖俞之清風而期 朝廷之長如慶曆也是  
以顏曰半在深山直自許以仙令而爲仕隱者云爾  
未幾上九年之考 欽賜卓異袍帽越明年晉佐天  
黨士民走急足懇留而撫軍亦如失左右手飛章入  
告求以新銜攝倅事

天子可其奏旋以輓餉膚功未淹三年即晉五馬建  
人樂公之再來活我也爲援梅公亭例子來以攻之  
層樓以望之蓋思嗣前徽而冀後之君子云樓成羣  
歌舞而落之相與環余廬而請余爲之銘銘曰維



皇惠建特簡巨公柔兆敦牂鳧飛 帝宮年甫子奇  
 政符卓魯庠序以興田疇以伍我塗四闔公示之門  
 我愚匪良公示之恩饑饉游臻既骨而肉萑苻載道  
 不威而服民之螫賊由公而仁民之寇讎由公而親  
 耕田鑿井完我姻族肆祀明禋介爾景福惟  
 帝曰咨車服以庸循良卓異並集爾躬旦夕內徵其  
 良誰嗣烏合蛾飛襲我不備公奮厥武憲廷乞師倡  
 先禁旅會朝滅之城闔如故市肆不移爬梳剔埽以  
 迎 王師既清既平倏奪衆母  
 帝寔鑒之特俞汝撫轉餉功成嘉乃丕績爰守股

王用三錫我父我祖明發有懷我子我孫罔極靡涯  
 有亭斯翼公之前身有樓歸然民之赤心昔有宋哲  
 令聞不已我公繼之後先媲美羊之峴首召之甘棠  
 桐鄉并州允懷不忘瞻彼衮衣好是懿德登斯樓也  
 君子是則

按建德縣南二里堯城鎮舊有堯廟

路史曰建德南三十

里有堯城堯祠云堯巡所至方輿記

曰堯南巡至此有堯廟與路史稍異

志有今府志無峯山廟其神不典他若北極廟  
 東嶽廟關夫子廟所在多有故俱逸

漢逸民高獲墓見前



晉安州司馬檀念之墓在今貴池縣興孝鄉檀邨

宋安成郡丞檀珪墓在今貴池縣興孝鄉檀邨按明萬曆府志

稱南陽太守檀珪墓在西鄉茶園壠邑人吳非考宋齊書及南史俱稱珪官安成郡丞並未為南陽太守故依新志改正○按珪高平金鄉人道濟兄弟子仕宋為安成郡丞因其子和遷居今貴池之興孝鄉故墓于此

梁昭明太子冕服陵見前祠

唐右史宗賢直學士胡楚賓墓在今貴池縣杉塢阮

唐拾遺費冠卿墓青陽縣旱麓山九華志曰在雞母山

唐杜荀鶴過費拾遺墓

凡弔先生者多哀荆棘間不知三尺墓高並九華山

天地有何物子物無一間當時若詔起未必得生還

唐進士康輅墓在今貴池縣黃老山之東

唐建德令周繇處士周繁墓在今建德縣紙院山

唐處士昭象墓在青陽縣南山仙人峯下

吳左千衛將軍殷文圭墓在貴池縣東南四十里殷

村

明劉城毅將軍墓歌

誰何古墓橫荒野農人語我殷家者披榛尚見土如

坊尋題未有碑堪打千年老表已無存幾尺新松尚

盈把埋者何人此丘將軍鼎貴左千牛早年及第

紅綾餅半生遇主紫貂裘珠履淮南稱上客蟬冠西



府比通侯階前廝養開金穴座上賓朋啜玉羞繁華  
正盛秋風早晞露旋歸原上草方相芻靈塞路多輓  
郎送客彌山縞器擬東園人不知豕象祁連世驚倒  
兆域初開萬杵相輻輳既下千峯抱歲時上豕者阿  
誰又是平章僕射兒

文圭子崇義  
南唐宰相

來日縣官身負弩

祭餘粉社餽餘菜青天松柏能教蔽白日牛羊詎敢  
窺興衰忽復成今古墓田鬻去幾更主牧兒雖未逐  
長髯樵夫漸欲持短斧亦有人家呈紙錢力耕每爲  
差徭苦盃中量粟笱收魚買酒來澆墳上土

南唐青陽公宋齊丘墓在青陽縣東牛心山

宋學士楊輔臣墓在貴池縣西南楊村之紅硃嶺

宋學士檀遠墓在貴池興孝鄉檀村

宋天章閣待制滕宗諒墓在青陽縣東金龜原范文正

公仲淹撰墓志銘

宋尚書度支郎李植墓在建德縣東陽烏山

宋徽猷閣待制檀倬諭葬墓在建德縣南步頭村鰲鵬

坂

宋侍郎楊和武墓在貴池縣西南楊村馬鞍山

宋兵部侍郎湯允恭墓在府城南山川壇之北舊碣存  
九華志又曰湯允恭墓在黃匏城之麓宋碧雲菴



旁

宋淮東提刑兼知揚州江應洪墓在青陽縣西洪嶺之麓

宋起居舍人知泉州曹清墓在貴池縣懸鐘山

宋大理評事吳六一墓在貴池縣大剡坑之檀下壇

宋荊州總管桂雍墓在石埭縣處嶺

宋中書舍人兼直學士院侍講王鎡墓在石埭縣西城

子山

初葬陵陽山紹興二十一年改葬此題曰顯佑墓

宋青陽開國公程九萬墓在青陽縣九華山福海寺旁

宋翰林學士曹緯墓在貴池縣丁冲

宋義士胡仲先墓在貴池縣西溪牙坑山教授張夢錫

撰墓志

宋殿前司華岳墓在貴池縣齊山之北石羅山

宋處士陳巖墓在青陽縣西雲鶴山麓

宋四川制置副使兼知成都府事贈顯謨閣學士謚恭

愍丁黼墓在石埭縣金城山

明鍾炫丁公墳

衰草從今野火焚殘碑苔蘚自成文夕陽古道行人

過道是當年宰相墳

宋丁孝子阡在石埭縣西

見圖



宋通判池州贈華文閣待制謚文節趙鼎發葬配順義  
夫人雍氏合葬墓在府城南七里碎石嶺元丞相伯顏  
封宰木盡連理見前

宋石埭縣尉桂大受墓在石埭縣蛾山

元博士檀豫順墓在貴池縣興孝鄉檀村大德十一年  
桐鄉朱天錫撰墓志銘

元教授曹天祐墓在貴池縣石柱山

元進士李南翁墓在貴池縣竹力院

元理問郎禮卿墓在府城西杏花村

明鎮遠侯顧成祖墓在貴池縣受二保

明雲南按察司僉事李賢墓在貴池縣杏花山

明給事中陳敬宗墓在貴池縣池口

明廣東布政司叅議方濬墓在府城北黃龍磯

明御史劉永墓在府城西鐵佛寺前

明御史陳仕昭墓在府城北門外

明太僕寺少卿徐謙墓在青陽縣峽山南

明訓導洪仲遵墓在建德縣河西坂劉師塘

明湖廣按察司副使舒仲誠墓在貴池縣齊山

明臨安知縣贈奉直大夫知州柯彥斌墓在建德縣陳

塘西北之宏岡子暹自著宏岡阡表



明雲南按察使柯暹墓在建德縣北雙河口靈華山  
明貴州布政司左叅政鄭景曜墓在建德縣

明南京左通政余可才墓在銅陵縣響山祭酒陳敬宗  
撰墓表

明河南按察司潘伯庸墓在銅陵縣南江村

明應天府丞檀凱諭葬墓在建德縣西陽田山

明浙江按察司僉事吳淵墓在青陽縣鳳凰嶺

明御史吳賜墓在貴池縣西堯田

明副都御史胡本惠諭葬墓在銅陵縣銅精山成化十  
八年命進士劉煥監造學士謝一夔撰神道碑

明按察司僉事洪自昌墓在建德縣北石印山

明義民李積惠墓在貴池縣谷旦山

明福建按察司僉事陳輕墓在青陽縣北五里

明雲南按察司僉事陳孟晟墓在銅陵縣羊山

明戶部侍郎孫仁諭葬墓在貴池縣義和佳山九公

塢之原弘治元年命進士歐證監造周弘謨撰神道碑

明御史許潛墓在府城西湖山之南陂

明御史張廷瑞墓在貴池縣西南桂山

明河南按察司僉事陳謨墓在建德縣北象山

明雲南按察司副使李廷璋墓在石埭縣南石坦



明戶部員外郎周冕墓在貴池縣東金坑

明福建按察司僉事張輝墓在石埭縣西桂家坦

明戶部員外郎李嘉祥墓在貴池縣源頭王峯山

明四川左布政使李崧祥墓在貴池縣源頭王師村

明鄉賢李呈祥墓在貴池縣興孝鄉黃連坑

明戶部侍郎汪珊諭葬墓在青陽縣五溪西岸嘉靖二

十二年命知府曾仲魁諭祭

明袁州知府陳鈇墓在貴池縣杜塢耀龍山

明巡撫陝西副都御史柯相諭葬墓在貴池縣黃屯坂

明御史宋邦輔墓在東流縣宋家嘴

明福建按察司副使柯喬墓在青陽縣

明雲南按察司僉事葉應麟墓在建德縣南岸坂

明雲南布政司參議吳仲禮墓在貴池縣歇坑

明浙江按察司副使呂一靜墓在貴池縣小舞山

明巡撫順天僉都御史徐紳墓在建德縣遠山舖

明巡撫江西兵部侍郎李一元諭葬墓在建德縣陶山

明順天府尹施篤臣墓在青陽縣三井山

明順天府尹施堯臣墓在青陽縣三井山

明鄉賢衡州府通判累贈太子太保武英殿大學士丁

旦墓在貴池縣石都冲修撰焦竑撰墓誌銘



明廣東按察使余敬中墓在府城東北玉几山  
明河南按察司副使李一中墓在建德縣陶山  
明戶部郎中湯希閔墓在石埭縣西金堂冲少保畢鏘  
撰神道碑

明湖廣左布政使王應乾墓在東流縣香山

明工部郎中贈太僕寺卿余毅中墓在銅陵縣竹園山  
光祿寺卿劉孟雷撰墓誌

明都給事贈太常寺少卿吳文梓墓在青陽縣老田

明湖廣左布政使王一楨墓在銅陵縣城山

明御史贈太常寺卿劉光復賜祭葬墓在青陽縣龍口

### 桂家山

明戶部尚書贈太子太保謚恭介畢鏘諭葬墓在石埭  
縣陵陽山中峯頂萬曆中命工部郎中沈聖岐監造

明太常寺少卿羅尚忠墓在青陽縣

明翰林簡討孔貞時墓在建德縣

明吏部尚書鄭三俊墓在建德縣

明山東副使徐廷宗墓在建德縣

明高州知府鄭三謨墓在建德縣四都

明太子太保戶部尚書兼武英殿大學士謚文恪丁紹  
軾諭葬墓在貴池縣



明贈君張達顯墓在銅陵縣張灣潭按達顯歛人僑銅  
此

明瀘州知州贈太僕寺卿蘇瓊墓在石埭縣

明徵君劉城墓在貴池縣下清溪

明國子生吳應箕墓在貴池縣高田

本朝廣西提學道僉事蘇汝霖墓在石埭縣

本朝武狀元鎮守陝西興安漢羌總兵官曹曰瑋諭葬

墓在貴池縣下湖西康熙四十六年遣江南池太道參

政盧騰龍諭祭

### 池州府志卷第二十四

中憲大夫知江南池州府事加六級襄平馬世永編纂

### 禮儀志

#### 一慶賀禮

每歲三月十八日恭遇

萬壽五月初三日恭遇

千秋十月初三日恭遇

仁憲皇太后聖壽及元旦冬至俱進表章慶賀先三月

擇上表吉日知府率僚屬朝服望

闕行三跪九叩禮恭進表文遴其屬一員齎至江南等



處承宣布政使司彙上禮部屆期上之  
朝在郡於慶賀前一日習儀恭設

龍亭一

寶座一盥一繖二香亭一戟二戟警之警斑劍儀刀陪  
杖立瓜臥瓜骨朶燈杖斧響節今府道並如旗之數  
鉦一鼓十二天丁六十有一具墜于庭至日黎明行三  
跪九叩禮

萬壽元旦則前三日後三日皆朝服貴池附於府五縣  
皆如之

附府暨貴池縣習儀所在祝聖寺

寺在府治東毓秀內府學舊址本宋

寺明隆慶初從府治西北移于此本朝

所為習

青陽縣習儀所在妙音寺

寺在縣治東宋太平興國五年建

銅陵縣習儀所在崇福寺

寺在縣治西宋淳熙七年建

石埭縣習儀所在崇福寺

寺在縣南門內本宋建于縣西萬春山者旋遷于縣

西迎恩橋明嘉靖中建儒學于寺址而遷寺于此焉

建德縣習儀所在縣廳事

東流縣習儀所在民化寺

寺在縣治西宋景德間建

一遵制

八月十一日



太祖高皇帝忌辰九月二十七日

高皇后忌辰八月初九日

太宗文皇帝忌辰四月十七日

文皇后忌辰十二月二十五日

孝慈文皇后忌辰正月初七日

世祖章皇帝忌辰二月十一日

章皇后忌辰五月初三日

仁孝皇后忌辰二月二十六日

孝昭皇后忌辰七月初十日

孝懿皇后忌辰皆素服一日不理刑名

迎

恩赦告成諸大典頒

天下由江南等處承宣布政使司遣官齎至府知府  
率僚屬朝服具儀仗迎于東郊至府廳事行三跪九叩  
禮開讀畢隨騰黃遣官齎至各縣各縣知縣偕僚屬迎  
詔開讀一如府復騰黃張示通衢

一迎春

每歲立春前一日知府率僚屬朝服迎春于東郊先製  
土牛視太歲所值干支以爲色并芒神置于東郊及是



昇至府儀門外候時至鞭之以順天行勸東作焉各縣一如府

一讀法

每月朔望日知府偕僚屬謁

聖畢至明倫堂宣講

御製訓飭士子文又集士民至講約公所宣講

上諭十六條各縣一如府

一祭祀

每歲春秋二仲之上丁日致祭

至聖先師孔子府則知府主之縣則知縣主之先榜列執事者姓名俾各執其事致齋二日前祭之一日省牲及祭質明行事三獻九奏用八佾之舞行三跪九叩禮四配十哲及兩廡各分獻焉其品物

先師帛一羊一豕一爵三登一釶二簠二簋二籩八豆

八初獻雲雷尊亞獻象尊終獻犧尊四配羊一豕一帛

各一爵三登一釶二簠一簋一籩一豆各六十哲帛二豕

二爵各一釶一簠一簋一籩一豆各四兩廡各帛一豕一

每四主為一壇每壇爵四簠一簋一籩一豆各四如定制

其啓聖祠同日先祀子不先父食也在府則教授主之在縣則教諭主之奠獻如儀注品物啓聖公及東西配



昇至府儀門外候時至鞭之以順天行勸東作焉各縣一如府

一讀法

每月朔望日知府偕僚屬謁

聖畢至明倫堂宣講

御製訓飭士子文又集士民至講約公所宣講

上諭十六條各縣一如府

一祭祀

每歲春秋二仲之上丁日致祭

至聖先師孔子府則知府主之縣則知縣主之先榜列執事者姓名俾各執其事致齋二日前祭之一日省牲及祭質明行事三獻九奏用八佾之舞行三跪九叩禮四配十哲及兩廡各分獻焉其品物

先師帛一羊一豕一爵三登一釶二簠二簋二籩八豆

八初獻雲雷尊亞獻象尊終獻犧尊四配羊一豕一帛

各一爵三登一釶二簠一簋一籩一豆各六十哲帛二豕

二爵各一釶一簠一簋一籩一豆各四兩廡各帛一豕一

每四主爲一壇每壇爵四簠一簋一籩一豆各四如定制

其啓聖祠同日先祀子不先父食也在府則教授主之在縣則教諭主之奠獻如儀注品物啓聖公及東西配



共帛二豕二羊二爵各一鉶一簠一簋一籩四其  
名宦鄉賢二祠亦即於是日分祭羊各一豕各一爵各  
如其神之數

每歲春秋二仲之上戊日祭社稷之神府則知府主之  
縣則知縣主之致齋二日及祭出主于壇左稷神右社  
神用帛二黑色羊二豕二爵各三各鉶一籩四豆四簠  
二簋二無樂

同日又祭風雲雷雨山川之神設三主中風雲雷雨之  
神左境內山川之神右城隍之神帛如神數俱白色羊  
三豕三爵各三鉶一籩四豆四簋二簋二無樂其壇所

詳秩祀志

一講武

每歲霜降日府縣各祭其軍牙六纛之神操蓋古者農  
隙講武之意

一鄉飲酒禮

每歲正月望十月朔兩次舉行先期各儒學據諸生及  
里黨公舉大賓一人介賓一人赴鄉飲府縣具以禮請  
及宴釋菜于

先師後赴明倫堂宴所望

闕行三跪九叩禮謝



恩即席歌鹿鳴之三章揚觶舉爵擊鼓舉如數拜洗拜受拜送拜既悉如儀賓起主僕送之堂下告禮成若郡縣無其人寧缺不舉

一賓興

凡三歲大比士于鄉先期有司設公宴送諸生之應科舉者舉人上禮部會試亦然

一變禮

凡遇日月蝕府縣官各率僚屬朝服行救護禮先設香案于廳事之露臺伐鼓鳴鏡官屬拜由初虧食既至復圓而後已

一遇災

自立春至立夏盡立秋府屬各縣恒暘不雨則守令各率其官屬以次行雩禮求雨閉諸陽衣卓興土龍立土

人七日一變如故事其雨多則祭赤幘朱衣閉諸陰

朱索縈社伐朱鼓焉按池郡多高山禱雨者必于山貴池旱先設壇于百牙山及久不雨

則遍禱于各山如太婆山之龍池西峯洞之龍窟盧子庫山之伏龍巖皆禱以取水處也青陽在唐時有費冠

卿城隍廟謝雨詩有杜牧木瓜山祈雨文皆致禱之所而今之兩壇在九郎墩載于志且九華山有龍池龍潭

皆可取水也石埭縣有兩臺山龍井亦名西峯泉有禱必應而杉山之南崖有伏龍池深不可測池之諸縣取

水必于此其俗取水者必以長令先之至潭虔禱畢即以瓶罌汲一勺疾馳以至而雨亦隨之其法至今頗驗



池州府志卷第二十四

池州府志卷第二十五

中憲大夫知江南池州府事加六級襄平馬世永編纂

溝洫志

池州之大川曰江江自東流而貴池而銅陵計四百八  
十里地理志曰江水自石城東出逕吳國南為南江南  
江東與貴長池水合漢志丹陽郡石城注曰分江水首  
受江東至餘姚入海過郡二行千二百里此即南江之

源委過郡二謂丹陽會稽也

按地理志南江東與貴長池水合又東逕宣城之臨

城縣南又東合涇水又東與桐水合又東逕安吳縣又東旋溪水注之又東逕寧國縣南又東逕故鄣縣南安吉縣北又東北為長瀆歷湖口今分江水已中絕其流又東至會稽餘姚縣東入于海



還入江而南江自貴池以東亦斷續不可問貴長池出  
縣南郎山東北流入江名曰貴口而酈道元謂江水自  
石城東入爲貴口按其地則即今之池口由是池之水  
盡北入于江池之江并東趨于海矣楊矣乾貞二年封  
馬當上水府寧江王采石中水府定江王金山下水府  
鎮江王池在馬當之下采石之上其水之入于江者曰  
香河曰鐵山口曰東流縣河曰黃湓曰池口曰清溪口  
曰郭港曰五埠溝曰梅根河曰大通河曰銅陵縣河曰  
樊港而銅陵天門山之水流入永城埭與朱邨耆邵家  
澗石洞南洪鳳凰鍾鳴貴山各水合流北下荻港即鄭  
康成書注所謂岷江之經流也貴池之浸曰清溪曰秋  
浦秋浦隋縣舊唐書曰因水爲名源一出石埭一出縣  
西南興孝鄉下達池口清溪亦自石埭合縣西南洿溪  
諸水東南太婆山水下達于口而黃湓在縣之西境源  
自建德播於東流潄而爲湖達于江梅根港在縣之東  
北源出九華山承五溪之水折流于五埠溝以達于江  
其他支水以十數皆并於清溪匯于秋浦以入江者也  
青陽南有蓉溪東有雙河北有橫河皆自峽山出與管  
埠河俱下大通江口惟五溪水承九華山各派下梅根  
博山河從琉璃嶺入石埭之舒溪銅陵江縣築圩治田



有東西二湖浸淫為潦乃築夾埂為河蜿蜒四十餘里  
 下達于荻港中則閘之名鳳心閘河頗為民利石埭有  
 舒溪源自太平縣會邑諸水逕涇縣下蕪湖其他水或  
 入清溪或入秋浦建德諸山溪之水皆從城南茹蘭溪  
 匯而西北流達東流縣惟饒河在縣南入饒州之獨山  
 湖西達彭口以入江東流香河口最為上游源出彭澤  
 會邑西諸水以入江者也縣河則由仙人湖承建德諸  
 水以入江者也其東境之水則又播於張家灘由黃湓  
 入江矣諸溪水遠或一二百里近或數十里或自饒或  
 自宣或自歙或自境內高山峻谷始曰泉及其經流之  
 比或瀦為湖為潭為池或瀉為溪為浦為河為溝為港  
 或激為灘為灣為渚皆見山川志而隨地所宜施以人  
 力曰橋曰渡曰閘曰壩曰堰曰塘曰埭曰陂曰堤曰圩  
 或通行路或資灌田或防或濬或蓄或泄以備旱潦盡  
 水利焉

貴池 高田堰 在興孝鄉二保土名大隔 雪泉 在大

陳田堰 在仁三保瀦西山下洞泉之水而 東阮泉 在仁四保一

在仁三保一名豐泉源出毛嶺 西溪堰 在仁四保一

北其流注于秋浦作一十五堰 查邨堰 在縣西南一百五十里

溪諸水 查邨堰 在縣西南一百五十里 古遊

餘畝明洪武初知府趙安割老人查長才濬淤 古遊



陂 穀俗陂 並在義 石陂堰 在義一 長逕堰 在崇

橫塘 在崇義鄉葛仙 大陂堰 在縣西南九十里 黃

泥礮堰 在縣西南九十里 黃荆堰 在縣西南八十里 黃

諸泉 神仙石堰有橋 在縣西南八十里 黃湓渡 在縣西南八十里

白面渡有橋 在縣西南六十里 龍泉 在崇賢鄉出石 黃

屯堰 在縣東南五十里 黃屯堤有橋 在縣東南四十

屯兵處向苦積潦 本朝康熙間知 馬牙橋 在縣東

太婆山之 青山 在縣西南 虹昇橋有堰 在縣西

坦陂 在縣開 白竒陂 在縣西南 桃胡陂 舊志在縣

潭之一名 桃花陂 又注在秋浦未詳其實 西湘聖母

府城西三里元至正十一年建有新安 劉初書丹貴也

池口渡 在府城北五里 晏公渠有橋 在府城北池口塘

清溪渡 在府城東五里 興濟橋 在府城九

青雲堤 在府城東齊山湖 翠微堤 在府城

濟川橋 在府城南門外清溪橋 偏門右

瀉水橋 在翠微堤首即宋淺水橋 久

重建并疏三孔 濟川橋 在府城南門外清溪橋 偏門右

明正統初始易石弘治十四年為洪賦易名溥濟後地

一年撫院諭公以書院由價重修濟川橋坊于北岸



中和塘 在府城北百步  
下湖塘 在府城東  
毓秀塘 在府城外明

知府何紹 正築屬學 施家灣 在府城市心街之西前代  
宋志曰在城之中心麻皮巷今呼大井是也(寰宇通志)

曰虞舜南巡時所鑿明正德初知府祁司負浚汲者至今賴  
陳公井 在府城三眼井側今府

錫福井 在府城試門井

高士井 在府城試門井

青陽 華湖堰 在縣南引臨城諸水灌郭西

塘 在縣東 黎家塘 在縣南 高陽橋 在縣東門外引

峽山口其橋宋淳熙十四年 東溪橋 在縣東二里其

邑令許介建許高陽人故名 青瑣橋 在縣北門外明萬曆中邑令鄭元

北山橋石堰 在縣東北三十里堰當茅田諸水之會

殺水勢而以薪代石為壩 洞仙橋 在縣東二十里長

王獅橋 在縣東四十里其水 烏潭橋 在縣東

趙塘 在縣東 申明堰 在九華

龍溪橋 在九華山之內會 六泉 在九華南

五溪橋 在縣西二十里明萬曆初知縣蘇萬民建名

破塘 在九華祠前知 黃石溪堰 在縣南六十里其

陽澗堰之隨水 三溪口 在縣南六十五里會

銅陵 老龍墩壩 在縣南門外一里墩東馬寨磯江家

折處壩之今廢 橫塘橋 在縣東門外半里許天井湖



中和塘 在府城北百步  
下湖塘 在府城東  
毓秀塘 在府城外明

知府何紹 施家灣 在府城市心街之西前代  
正築屬學 引溪水泊舟于此今湮 舜井

宋志曰在城之中心麻皮巷今呼大井是也  
宋志曰在崇義坊側今府 錫福井 在府

今賴 陳公井 在府城試門井  
之 城市心街南三眼井是 錫福井 在府

城鳳凰下街明崇禎間知 高士井 在府城試門井  
府顧元鏡浚以救火厄 泉高市衢數尺

青陽 華湖堰 在縣治南引臨城諸水灌郭西  
田以華山倒影射其內故名 吳邨

塘 在縣東 黎家塘 在縣南  
高陽橋 在縣東門外引

峽山口其橋宋淳熙十四年 東溪橋 在縣東二里其  
邑令許介建許高陽人故名 溪亦自城南經

此瀉峽 青瑣橋 在縣北門外明萬曆中邑令鄭元  
山口 建其溪由城東經此瀉峽山口

中邨塘 在縣北 青龍橋 在縣東北二十里明萬曆山  
二十里 邑令蔡立身建其水下大通

北山橋石堰 在縣東北三十里堰當茅田諸水之會  
殺水勢而以薪代石為壩 洞仙橋 在縣東二十里長

田人賴之祀佃為堰主 烏潭橋 在縣東  
北 王獅橋 在縣東四十里其水

其水自黃蘗嶺下 趙塘 在縣東  
橋在潭側茅坤有記 申明堰 在九華

亭故名 龍溪橋 在九華山下之內會  
五溪橋 在縣西二十里明萬曆初知縣蘇萬民建名

破塘 在九華祠前知 黃石溪堰 在縣南六十里其  
縣張文昱築 溪出九華山瀉南

陽澗堰之隨水 三溪口 在縣南六十五里會  
高低灌田甚廣 縣南諸水下石埭

銅陵 老龍墩壩 在縣南門外一里墩東馬寨磯江家  
折處壩之以 橫塘橋 在縣東門外半里許天井湖

緩水勢今廢 橫塘橋 在縣東門外半里許天井湖  
三

三



江口渡 在縣西 鳳心閘 在東西二湖之間即湖築堤

而中作閘以時洩蓄 百家墩壩 在縣北十五里壩內

接大江為徐 丁家洲壩 在丁家洲河口都壩經其外

公堤起處 崇禎間居民決壩建閘以得保 都壩 在

豐諸圩賴之明崇禎間居民決壩建閘以得保 都壩 在

灌入幾不能堵後立禁不許擅開壩以得保 都壩 在

北十五里壩自百家墩至胭脂夾計八十里明萬曆

間知縣徐一科勸築以保障仁豐諸圩者名徐公堤

花堰 在縣東三十 黃衝陂 周村陂 俱在朱城

狀渡 在鵲頭山下 東泉陂 在洪 胡城港有橋 在胡

口合順安鎮 羊山渡 在縣南三十 順安橋 在縣東

諸水入江 邵家澗 在縣東朱村者 棲鳳橋 在縣東

水經之 蕭侯陂 在城北舊名故院陂明成化中知縣蕭

石埭 蕭侯陂 在城北舊名故院陂明成化中知縣蕭

便之故即名之曰 迎春渡 在東門外水向以船

蕭侯陂邑人張輝記 望仙橋 在縣治東北後溪一明

柔橋其上 義興橋 在縣後西 西洪口 在縣

渡 舒溪上 烏林陂 僧眾陂 塔壠上中下三

里徽寧孔道明 古芒陂 俱在一 千工陂 在博山 政



三陂皆承烏  
林坑之水  
沈家陂  
楊清陂  
余溪陂

巖陂  
茅田陂  
楊邨陂  
龍巖泉  
亦名東西溪

一泓西流灌田  
甚廣見山川  
迎春陂  
迎春橋  
亦名大溪之上

溪陂  
雍溪橋  
府陳良器建陳廷立記  
社河陂  
在俱

六七  
大阮陂  
城子陂  
梅樹陂  
湘陂  
清陂

凌家陂  
瑯田陂  
吳家陂  
沙田陂  
石埭陂  
俱在八九

都  
埭下陂  
磨塘陂  
施邨陂  
杜家陂  
下五陂

留坑陂  
南岸陂  
俱在十  
小車陂  
北岸陂  
楊

村陂  
香口陂  
皇家陂  
掘沙陂  
湖村陂  
俱在十

七里陂  
楊潭有橋  
皆為徽池孔道  
在十三都

建德  
茹蘭溪廣濟橋  
在縣南門外宋開  
寺橋在

西門外宋嘉定間知縣吳淵建  
後圮明弘治間知縣蔣全重建  
冷水堰在市  
新塢

在東  
楊樹塘  
在縣東  
紫埠堰  
在東門外  
傅家堰  
在縣東

崇義橋  
在縣治東一里蘭  
有亭  
龍門橋  
在縣治西二

關  
本朝康熙四十七年邑令裘  
君弼建雲龍閣于橋之旁自為記  
望京橋  
在縣城北

城溪擊壤橋  
在縣治南二里為饒州孔道向以船渡明  
丈行者便之丁紹軾有記後屢圮本朝順治五年邑令

令孫蘭修之十八年邑令高寅修之康熙十年邑令

徐家橋  
在縣治東一里

元建後其子孫  
官池  
在堯城  
規田池  
在縣北

埠池  
在縣北  
北柵池  
在縣北  
石印池  
在縣西  
馬蹄



池在縣西 查柵橋在縣北 堯封堰 留山陂 大

陂 小陂 潭石陂 魯公陂 查林陂 龍潭陂

楊湖塘 涼傘堰 陳邨堰 石陂堰 禾城堰 熊

石塘堰俱在都 客橋陂 蘆邨塘 河塘堰俱在都 豐

樂陂 劉師塘俗訛螺 牛矢塘 關王堰俱在都

檀陂 高荷塘俱在都 班藍陂 青山陂 松林塘

古塘 檀陂堰俱在都 灤塘 雙港堰 七里塘

俱在都 茶坑陂在舊三 方村陂在舊三 水車壩

在蘇 東窟 西窟 龍塘俱在 永豐陂在舊三

昭潭橋在縣南一百 義井二一在縣東門內

東流 柳堤在縣南湖上明萬曆間知縣馮若呂築

之以蓄湖水 江口渡在縣南 天井塘在縣東 紫塘

嚴家塘 王家塘俱在縣南 建東橋與建德冷

南塘 西塘 何家潭即雷 鐵山渡在縣南 李家

陂在縣南 楊孫塘在縣南 香山井在香山

香口渡在縣南四十里 葛家塘在縣東 通泉溝

在縣 薛家灘與建德牽 石橋鋪有

俱唐豐 濠口 鴈汊渡在縣北 李家

堰在縣東 藍橋由建德至饒州 柯邨塘

雙河口在縣東 張劍



灣 臥虎潭 靈山港有堰 石潭有渡 張家灘有

渡 蒲塘 在縣東五十里源出石山 張家塘 在縣東六十里 雙虹橋

洪士橋 俱晉陽鄉

按關梁井泉志家俱另為標目廣輿記一統志皆然今併列溝洫統于所重也

池州府志卷第二十五

池州府志卷第二十六

中憲太夫知江南池州府事加六級襄平馬世永編纂

郵傳志

池州府在前明為南畿近地上接楚豫章下達吳會冠蓋相望文書旁午不絕於道故陸則青陽貴池為自東而西之衝每縣設馬多至九十匹少亦不下七十二匹按馬給芻料令馬戶牧之其夫每縣四百名後裁六十名又裁三十四名至存三百六名而止其夫之食自支銀十二兩裁至七兩二錢而止建德東流二縣通江西之鄱彭非若貴青孔道然自嘉靖中饒州進御瓷取道



於此故所設夫馬合兩邑而一之石埭通宣歙亦設遞  
馬二十匹減至十八匹而止銅陵亦有之此陸路之大  
概也水則東流貴池銅陵為自上而下之路東流舊無  
驛貴池有李陽河池口兩驛銅陵有大通一驛舊設馬  
座站船七十四隻萬曆間革遞運所船五十九隻止存  
一十五隻內徽州府津貼六隻寧國府津貼二隻貴池  
縣三隻零九分青陽縣七分銅陵縣一隻二  
分石埭縣六分東流縣六分其餘十年  
一造五年一修動支驛遞支剩銀兩 舊設水夫七百  
二十四名萬曆間革遞運所夫四百六十八名止存夫  
二百五十六名每名給工食銀七兩二錢內池口驛八  
驛八十一名大通驛九十一名派徽州府津貼七十名  
貴池縣七十名青陽四十二名銅陵縣五十二名石埭

一十二名東  
縣一十名此水驛之大槩也天啓崇禎間天下多  
故差役繁興水既給船陸又支馬且以四馬之費始給  
一馬之差由是馬戶不堪其累逃亡者夥有司為改里  
正承之里正不諳其事仍以金錢僱馬戶司之差至則  
責里正供應馬斃則責里正買償驛之為民患至於此  
極

國初承明之敝久未之改順治八年操撫李公日荒始  
下令以官錢養官馬以官馬應官差而芻秣有不敷者  
則以贖鍰及餘羨買置民田收其租以給用而照民田  
輸賦由是民無官馬之累而自江寧府制府駐劄軍門



至安慶府撫院駐劄軍門必由青貴陸路有司照郵符給夫馬如其額其由江程經東貴銅三縣者有司亦驗郵符給夫船如其額制府與江西撫院會稟取道建東有司亦照郵符給夫馬如其額其遞送公文則各邑俱設有舖遞如舊制焉

陸站

貴池縣原額差馬七十四匹康熙十五年裁馬三十五匹今實存應差馬三十五匹 原額草夫五十六名裁二十八名今實存草夫二十八名 原額差夫七十名裁五十五名今實存應差夫十五名

青陽縣原額差馬五十五匹康熙十五年裁馬二十四匹今實存應差馬三十五匹 原額草夫四十四名裁十六名今實存草夫二十八名 原額差夫七十名裁五十五名今實存應差夫十五名

銅陵縣原額遞馬六匹草夫五名差夫十名康熙十五年俱全裁  
石埭縣原額遞馬八匹康熙十五年裁二匹今實存遞馬五匹 原額草夫六名裁三名今實存草夫三名 原額差夫十五名裁七名今實存應差夫八名  
建德縣原額差馬二十五匹康熙十五年裁十四匹今實



存應差馬十五匹 原額草夫二十名裁八名今實存  
草夫十二名 原額差夫十五名裁五名今實存差夫  
十名

東流縣原額差馬四十匹康熙十五年裁二十匹今實  
存差馬二十四匹 原額草夫三十二名裁十六名今實  
存草夫十六名 原額差夫二十名裁十名今實存應  
差夫十名

以上五縣共實存應差馬一百一十四匹每匹日  
支草料銀八分 實存草夫八十八名每名日  
支工食銀二分馬田稻三升三合零 實存差

夫五十八名每名日支銀穀與草夫同合五縣  
歲給夫馬銀共六千四百五十二兩四錢

舖遞

貴池縣屬府前總舖分東西兩路

東 十里至 白沙舖 十里至 童婆舖 十里至 柿樹舖 十里

至 徐儀舖 十里至 石墨舖 十里至 五溪舖屬青陽

西 十里至 十里舖 十里至 何邨舖 十里至 紫巖舖 十里

至 洗馬舖 十里至 金雞舖 十里至 白面舖又分西南兩

路

西 十里至 楊邨舖 十里至 沙溪舖 十里至 黃溢舖 十里



至官洲鋪十里至鴈漢鋪屬東流過江抵安慶

南十里至河港鋪十里至烏楓鋪十里至吳田鋪十里

至鳳凰鋪十里至佛王鋪十里至藍橋鋪十里至葛仙

鋪屬東流

陽縣屬縣前總鋪分東西南北四路

東十里至石嶺鋪十里至讀山鋪十里至木瓜鋪十里

王獅鋪十里至趙塘鋪十里至金山鋪達南陵西十

里至清泉鋪十里至五溪鋪達貴池

南十里至徐橋鋪十里至蔭橋鋪十里至胡邨鋪十里

至分流鋪十里至方沖鋪十里至沙溪鋪達石埭

十里至倪店鋪十里至查河鋪十里至騎龍鋪十里

界山鋪達銅陵

銅陵縣屬縣前鋪分東南與東兩路

東南十里至分流鋪十里至界山鋪屬青陽

東十里至樓鳳鋪十里至順安鋪十里至城山鋪達南

石埭縣屬縣前鋪分西北與南兩路

西北十里至博山鋪十里至沙溪鋪屬青陽

南二十里至夏邨鋪四十里至售口鋪達太平

建德縣屬縣前鋪分南北二路



南十里至黃泥岡鋪十里至陽田鋪十里至黃蘗鋪十

里至小梅鋪十里至政坑鋪十里至闡揚鋪十里至遶

山鋪十里至西陽鋪十里至青居鋪十里至前溪鋪十

里至衣田鋪達江西之鄱陽其鋪久廢

此十里至茅亭鋪十里至歷山鋪十里至相望鋪達東

流石潭鋪

東流縣屬縣前鋪一路

東十里至松嶺鋪十里至長安鋪十里至石橋鋪十里

至石潭鋪合建德相望鋪十里至葛仙鋪達貴池其瀕

鴻汊鋪達安慶里數見前

以上六縣共鋪遞七十三所每鋪設鋪司鋪兵

掌遞送文書或三名或四名不等府前鋪十名

每名歲給工食銀六兩

水站

貴池縣額設馬座站船十隻原額水夫五十名康熙

十五年裁三十名今實存應差水夫二十名

銅陵縣額設馬座站船五隻原額水夫五十名康熙

十五年裁三十名今實存應差水夫二十名

東流縣額設馬座站船五隻原額水夫五十名康熙

十五年裁三十名今實存應差水夫二十名



以上三縣共實在應差船二十隻十年一折造  
五年一大修三年一小修俱動支驛站支剩銀  
兩 實在應差水夫共六十名每名日給銀穀  
與差草夫同

合三縣實存支給銀一千七百一十六兩七錢  
二分

馬田 本朝順治八年操撫  
部院李公日元創設

貴池縣置買養馬官田五號

共弓田七百五十六畝六分零

共租穀一千四百四十五石八斗

內隄壠坂田一則自康熙十三年蛟水衝隄沙  
壓三十餘畝厥後墾復其半仍餘十六畝五分  
沙深難墾康熙四十七年春永請之撫院劉公  
偕僚屬另捐置田十六畝補額坐落

青陽縣置買養馬官田三號

共弓田五百五十一畝零三釐

共租穀一千一百二石四斗 升零

銅陵縣置買養馬官田二號

共弓田一百二十二畝零

共租穀一百八十石三斗



石壕縣置買養馬官田二號

共弓田一百畝零三分

共租穀二百石七斗

建德縣置買養馬官田五號

共弓田三百一十六畝七分六釐零

六百三十六石一斗四升零

東流縣置買養馬官田 號

共弓田四百四十七畝一分二釐零

共租穀九百石五斗七升

以上官田坐落各縣圖保俱詳縣志其租本

養馬之用自後承平日久郵政肅清額定草料  
銀兩足供喂飼康熙九年間安撫張公遂以馬  
田租穀之半題充兵餉而以其半解皖給夫役  
焉

池州府志卷第二十六



池州府志卷第二十七

中憲大夫知江南池州府事加六級襄平馬世永編纂

營汛志

池州自孫吳時爲瀕江兵馬之地每以重臣有威望者鎮石城督虎林晉宋以後南陵鵠頭等戍最爲扼要唐永泰初復置池州遂合宣歙二州共置一觀察使或兼都防禦團練守捉處置等使或罷觀察等使升置節度使統轄廢置隨時不一大約皆宿兵於其地焉楊吳有宣池都游奕使南唐升池州爲康化軍置節度使尋罷爲池州團練使宋江南分東西路江東置宣撫使守太



平及池州而池州有駐劄御前諸軍統制南渡後以建康太平池州緊要隘口共一十九處領集民兵共相把截建炎四年復合江東西為江南路置帥於江池二州時有安撫制置使未幾以二州地僻隘罷帥仍以東路還建康府西路還洪州而池州水軍有都統制有副都統制皆領軍事時則鄉兵有勇敢水軍有清溪鴈汊控海軍千五百人紹興三十一年命兩浙江湖福建諸軍起禁軍弓弩手部送明州平江府江池太平三州由是池軍浸盛乾道末池州都統司兵至一萬二千人淳熙元年又增置池州都統司水軍千人嘉定中又增置池

州水軍三千人淳祐十三年又置池州游擊水軍總

備禦沿江而間或調發池兵防戍他處事已仍還池州

蓋南宋時以淮淝為極邊恃長江為天塹所以上自鄂

渚下至建康皆設鉅鎮置重兵以守耳元及明初不專

設營衛而六縣民兵舊制七百一十四人萬曆間增四

百九十三人共額一千二百七人

內貴池三百三十九人青陽二百三十四人銅陵二百三十七人石埭一百四十三人建德一百三十六人東流一百一十八人為各縣城

守緝盜之用而沿江五百里上自馬當下至荻港約二

十里置一墩隆慶末江洋有盜警乃勅設按察司副使

一員駐池州以整飭徽寧池太等處兵備萬曆二年副



使馮叔吉始募兵六百人爲中軍分布各汛更立望臺  
備哨艦以不時巡邏江警遂絕崇禎七年流寇擾江北  
池州戒嚴貴池令徐孟遠田瑞龍相繼募鄉兵四百人  
名忠勇營爲城守計尋罷崇禎十七年江南以巡撫程  
世昌駐蕪湖理軍務以池州爲上游立廉勝勇勝二營  
廉勝營以副將一員領之勇勝營以參將一員領之江  
南平乃罷

本朝順治二年特設安徽等處巡撫及池太等處總兵  
官各置標屬撫標兵二千鎮標兵二千並駐池州以  
山寇山寇平順治六年併巡撫軍門於操院順治十

青陽汛馬兵四名 步馬三十四名

地方分汛三

總一員轄之

銅陵汛步兵二十三名

順安鎮汛步兵五名

九郎廟汛步兵二名

石埭縣地方分汛六

總一員轄之

石埭汛步兵二十名

高橋司汛步兵二名



城安柵汛步兵十名

釣魚亭汛步兵七名

大洪嶺汛步兵九名

河口柵汛步兵八名

建德東流二縣分汛四

千總一員轄之

建德汛馬兵四名 步兵三十二名

良禾柵汛步兵十四名

昭潭街汛步兵十三名

東流汛步兵二十四名

年裁池太總兵官盡撤標屬始置池州營游擊一員駐防其地而沿江各汛舊有李陽營兵四百名設守備一員領之康熙五年以李陽營併入安慶營為右營

子陽營守備為右營守備領之所轄遊兵奇兵分置沿江各汛與池州營陸路分汛防守焉

池州營陸汛

額設遊擊一員 中軍守備一員 千總一員 把

總三員

額設馬兵三十七名 步戰兵八十三名 步守兵

三百四十一名 共四百六十一名



馬三十七匹馬兵每丁給一匹官坐馬一十八匹

府城

游擊駐劄城內中軍守備隨之

存城馬兵二十九名 步兵一百九十一名

貴池縣地方分汛二

係守備所轄

擇公柵汛步兵十五名

白沙柵汛步兵十五名

青陽縣地方分汛一

把總一員轄之

安慶營所轄池州江汛

副總兵統轄其事右營守備領之並駐安慶

額設分汛步兵一百四十名 每汛哨船一隻 望

臺一座

東流縣地方分汛九

把總一員轄之

响水磯汛步兵四名

香口汛步兵七名

烏石磯步兵五名

東流汛步兵八名



吉陽磯汛步兵五名

黃石磯汛步兵六名

高家嘴汛步兵五名

渡船口汛步兵五名

官場汛步兵四名

右 上流自江西馬當汛至香口汛三十里自香

口汛至黃石磯汛六十里黃石磯汛至黃溢汛

六十里入貴池界

貴池縣南岸分汛十一岸分汛一

千總一負轄之駐李陽河